



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXX. Confirmatio Decreti Congreg. Indicis circa damnationem
quorundam Librorum.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

dignitate constitutæ munitis, eadem prorsus fides ubique locorum habeatur tam in Iudicio, quam extra illud, quæ haberetur ipsis præsentibus, si forent exhibitæ, vel ostensæ.

Datum Beneventi sub Annulo Piscatoris die XVI. Maji MDCCXXIX. Pontificatus Nostri Anno V.

CCXVIII. Conceditur Indulgentia plenaria perpetua Visceribus aliquam Ecclesiam Canonicorum Regularium, vel Monialium Ordinis Præmonstraten. ubicumque locorum quibusdam anni temporibus.

Alia Indulgentia plenar. perpetua iisdem concessa fuit a Paulo V. Const. ed. 1606. Oct. 19., quæ postmodum confirmata reperitur ab Innoc. XII. Const. ed. 1697. Apr. 20. P. 6.

Dat. 11. Julii
1729. An. 6.

BENEDICTUS PAPA XIII.

Ad perpetuam rei memoriam.

Procemium.

Injunctæ Nobis divinitus Apostolicæ servitutis ratio postulat, ut Cælestium munerum thesauros dispensationi nostræ a Domino creditos fideliter erogemus, cum id ad augendam fidelium religionem, & Animarum salutem speramus in Domino profuturum.

§. 1. Itaque de Omnipotentis Dei misericordia, ac Beatorum Petri, & Pauli Apostolorum ejus auctoritate consili, omnibus, & singulis utriusque sexus Christianis vere penitentibus, & confessis, ac sacra Communionem recepissis, qui aliquam ex Ecclesiis tam Canonicorum Regularium, quam Monasteriorum Ordinis Præmonstraten. tam hæcenus erectis, quam in posterum quandocumque erigendis, & ubicumque Locorum existentibus in decima sexta Januarii, tertia, ac vigesima nona Martii, septima Aprilis, decima quinta Junii, nona Julii, decima tertia Augusti, & decima septima Novembris Mensium diebus si non sint impediti, si vero sint impediti die immediate sequenti respectivo non impedito, ac feria secunda infra Octavam Ascensionis Domini nostri Jesu Christi a primis Vesperis usque ad occasum Solis dierum hujusmodi singulis annis devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, quo die ex prædictis id egerint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Conceditur præfata Indulgentia.

§. 2. Volumus autem, ut earumdem præsentium literarum transumptis, seu exemplis etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in iudicio, & extra illud habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud S. Petrum sub Annulo Piscatoris die XI. Julii MDCCXXIX. Pontificatus nostri Anno Sexto.

CCXIX.

Conceditur universo Ordini S. Francisci, necnon Civitati, & Diocesi Afulanæ facultas recitandi Officium sub ritu duplici, & celebrandi Missam B. Seraphini de Afulo.

Similis concessio ab eodem Pontifice Const. ed. 1728. April. 12. P. 4. facta fuit Canonicis Regularibus

Præmonstratensibus pro recitatione officii trium Sanctorum sui Ordinis.

BENEDICTUS PAPA XIII.

§. 1. **C**um attenta approbatione publici Cultus vigore Indulgentiarum Apostolicarum B. Seraphino de Afulo Ordinis Minorum Capuccinorum præstiti, seu casus excepti a Decretis san. mem. Urbani PP. VIII., facta in Congregatione Sacrorum Rituum sub die 11. Martii 1719., annuente postmodum die 19. Aprilis dicti Anni san. mem. Clemente PP. XI., ex parte, & ad instantiam Marchionis Joannis Baptistæ Caucci d. Cause Postulatoris, Sanctissimo Domino nostro Benedicto PP. XIII. supplicatum fuerit, quatenus concedere dignaretur, ut in posterum, singulis annis, in honorem prædicti Beati die 12. Octobris Anniversaria illius obdormitionis in Domino, tam in toto Seraphico Ordine Minorum S. Francisci, quam etiam in Civitate, & Diocesi Afulana, ubi Sacrum ejusdem B. Corpus requiescit, & colitur, ac in Terra Montis Granarii Firmanæ Diocesis, ubi natus fuit, recitari posset Officium, & celebrari Missa de Communi Confessoris non Pontificis sub ritu duplici ab omnibus tam Sæcularibus, quam Regularibus utriusque sexus, qui ad horas Canonicas tenentur.

§. 2. Sanctitas Sua, cum prius recognosci, ac perpendi fecerit a Reverendissimo Carolo Alberto Cavalchino Archiepiscopo Philippen. Fidei Promotore supplicem libellum eidem Sanctitati Sux porrectum, ac scripturas omnes super hujusmodi instantia jampridem exaratas, & impressas, cum animadversionibus Eminentissimi, & Reverendissimi D. Cardinalis Lambertini tunc Fidei Promotoris, ac responsionibus ad eas per Postulatores datis, & nihil in illis a dicto Archiepiscopo Philippen. inventum fuerit, quod hujusmodi Instantiæ obstare posset, Officium & Missam in honorem B. Seraphini prædicti pro die 12. Octobris, juxta petita, servatis tamen Rubricis Breviarii, & Missalis Romani, benigne indulget, atque concessit die XVIII. Mensis Julii MDCCXXIX.

Confirmatur Congregationis Indicis Decretum quo damnantur nonnulli Libri Latini, Gallico &c. Idiome impressi.

De alia prohibitionem duorum librorum Gallico Idiome impressorum vide aliam hujus Const. ed. 1728. Jun. 25. P. 5.

BENEDICTUS PAPA XIII.

Decretum Sacra Congregationis Eñorum, & Reverendissimorum Dominorum S. R. E. Cardinalium a Sanctissimo D. N. Benedicto PP. XIII., Sanctæque Sede Apostolica ad Indicem Librorum, eorumdemque prohibitionem, expurgationem, & permissionem in universa Republica Christiana specialiter deputatorum ubique publicandum.

§. 1. **S**acræ Indicis Congregationis Decreto damnati, prohibiti, ac respectivo suspensi fuerunt infrascripti Libri ubicumque, & quocumque Idiome, & inscriptione qualibet impressi, imprimendive, quorum Tituli.

§. 2. *Animadversiones Justii Henningii Bohemarii in Institutiones Juris Ecclesiastici Claudii Fleury, cum Latina versione Joannis Danielis Graber. 1724. Casimiri Ordini Commentarius, & de Scriptoribus Ecclesiæ, antiquis illorumque scriptis &c. Lipsiæ MDCCXXII. Tom. I., II., & III.*

Censura Sacra Facultatis Theologiæ Duacensis in quasdam propositiones de gratia depromptas ex di-

Dat. 18. Julii
1729. An. 6.

Præces hæc de re porrectæ Sanctissimo.

Concessio præd.

CCXX.

Dat. 18. Julii
1729. An. 6.

Decret. præd.

Tituli præd. librorum, qui damnati fuerunt.

statu philosophicis Dominorum Lengrand, & Marchal &c. accedit Appendix ad causam professorum primariorum Collegii Regii. Item Mantissa continens Censuram in Epistolam scriptam ab Er. Domino Pierari Sac. Theologia Licentiato &c. Typis edita annis 1722. 1724. donec corrigatur.

Discours contre la persecution, Traduit de l'Anglois, Liege 1725.

Epistolica Dissertatio Scoti Thomistica super facti questione, utrum Doctor Angelicus revera docuerit pluribus in Locis B. Virginem fuisse immunem a peccato originali? Cui denuo accessit duplex dissertatio Dogmatica scilicet, & Historica circa B. Virginis Conceptionem. Stephani Chiesa labore concinnatum. Taurisii MDCCXXVI. Donec corrigatur.

Histoire des Chevaliers Hospitaliers de S. Jean de Jerusalem appelez depuis Chevaliers de Rhodes, & aujourd'hui Chevaliers de Malte. Par Monsieur l'Abbé de Vertot MDCCXXVI. T. 1. 2. 3. 4. & 5.

Joannis Gasparis Suicen Thesaurus Ecclesiasticus ex PP. Gravis ordine alphabetico concinnatus, Amstelodami MDCLXXXII.

Joannis Georgei Walchy Commentarium Concilii Lateranensis a Benedicto XIII. celebrati Anno 1725. Lipsie 1727.

Joannis Marini Oconensis Theologia speculativa, & Moralis, Venetiis 1720. Tomus Tertius.

Nouveau Voyage d'Italie, avec un memoire contenant des avis utiles à ceux qui voudront faire le même Voyage, par Monsieur Misson. Haye 1717.

Remarques sur divers endroits d'Italie par Monsieur Addison, pour servir au Voyage de Monsieur Misson, Paris 1722.

The spiritual Director for those who have never translated out of French Printed in the year. 1703. - hoc est - Spiritualis Director pro his, qui nullum habent, ex Gallico translatus.

Traité des Loix Civiles & Ecclesiastiques contre les Heretiques par les Papes, les Empereurs, les Rois, & les Conciles Generaux, & Provinciaux approuvez par l'Eglise de Rome, Liege 1725.

Triumphus Misericordie, idest Sacrum Ordinis Sanctissime Trinitatis Institutum redemptio Captivorum, cum adjuncto Calendario Ecclesiastico Historico universi Ordinis, Autore Joanne a Sancto Felice, Vienna Austriae 1704.

§. 3. Nemo itaque cujuscumque gradus, & conditionis prædictos libros in posterum vel imprimat, vel legat, vel retineat, si quos interim habuerit Inquisitoribus, seu Locorum Ordinaris a præsentis Decreti notitia tradat sub penis in Indice Librorum prohibitorum contentis.

§. 4. Quibus per me infrascriptum Secretarium Sanctissimo Domino nostro Benedicto Papa XIII. relatis, Sanctitas Sua Decretum Sacrae Congregationis approbavit, & executioni mandari iussit.

In quorum fidem manu, & sigillo Eminentissimi, & Reverendissimi Domini Cardinalis De Via Praefecti, praesens Decretum signatum, & munitum fuit Romae in Palatio Apostolico Vaticano die XVIII. Julii MDCCXXXIX.

Prohibitio prædictorum librorum.

Confirmatio relati Decreti.

CCXXI.

Confirmantur Decreta Capituli Generalis Congregationis Montis Oliveti Ordinis S. Benedicti circa Abbates Titulares.

De Abbatibus Titularibus dictae Congregationis vide Clem. XI. Const. ed. 1713. Apr. 12. P. 13.

Dat. 6. Sept. 1729. An. 6.

BENEDICTUS PAPA XIII.

Ad perpetuam rei memoriam.

Exordium.

EX injuncto Nobis divinitus pastoralis Officii debito illa, quae a Congregationibus Religiosorum Virorum Altissimi obsequii sub suavi vitae Monasticae jugo mancipatorum pro felici, proferoque earum in spiritualibus, & temporalibus

regimine, & gubernio provide facta esse noscuntur, ut firma semper, atque inviolabilia persistant, libenter cum id a Nobis petitur Apostolici muniminis nostri praesidio roboramus.

§. 1. Exponi siquidem Nobis nuper fecit dilectus filius Procurator Generalis Congregationis Montis Oliveti Ordinis S. Benedicti, quod cum tunc existens Abbas Generalis una cum Definitorio ejusdem Congregationis animadvertisset ex modo, & ratione vivendi nonnullorum Abbatum titularium d. Congregationis tam de numero, quam supra numerum diversos in eandem Congregationem sensim obrepere abusus, qui non minus in Regularis observantia, & disciplina relaxationem, ac detrimentum, quam in Monasteriorum ipsius Congregationis gravamen, & dispendium tendebant, contra dispositionem quarumdam literarum se. re. Clementis PP. X. Praedecessoris nostri alias nempe die 27. Februarii 1671. editarum, quibus discrete cautum fuerat, quod ejusmodi Abbates Titulares nullam praerogativam, vel exemptionem, quae Monasteriis praefatis onerosa foret, praetendere valerent, atque in Ecclesia saltem diebus festivis Missae Conventuali, & Vesperis, ac diebus singulis mane orationi mentali interesse tenerentur, simulque istis abusus, & incommodis exinde dictae Congregationi provenientibus occurrendi, efficacique remedium adhibendi necessitatem agnovisset in Capitulo Generali ejusdem Congregationis novissime celebrato post rem diligenter, ac mature ibidem discussam, atque inhærendo tum praefati Clementis Praedecessoris literis, tum Constitutionibus dictae Congregationis per Sedem Apostolicam confirmatis quaedam circa eisdem Abbates Titulares Decreta, seu Ordinationes salubriter edita, & facta fuerunt.

§. 2. Ut scilicet in posterum ejusmodi Abbates Titulares praesentes, & futuri Abbati Locali in omnibus subjaceant, nec eis liceat nominatim a Monasterio, seu Domo egredi absque licentia, & benedictione ipsius Abbatis localis, quo tamen absente non teneantur se personaliter existere coram Vicario, aliisque Monasterii Officialibus, sed id facere, ac supplere possint per Socium, seu Conversum sibi destinatum, qui singulis vicibus tam egressus, quam reditus ad Monasterium, seu Domum, se coram illis omnino representare debet, Choro sicuti alii Monachi assistant, ac praesertim intersint orationi mentali quolibet mane, Missae Conventuali, ac Vesperis canendis saltem diebus festivis ad praescriptum supradictarum Clementis Praedecessoris literarum, necnon etiam Missis absque cantu celebrandis, prout Superior localis injunxerit, & ordinaverit, excepto dumtaxat casu infirmitatis, aut alicujus particularis necessitatis per eundem Superiorem localem recognoscendae intervenire debeant in Refectorio primariae cum aliis Monachis, Vestiarium eis subministrandum, illud Vicarii Monasterii hujusmodi pro tempore non excedat, neque ipsis licitum sit quaecumque personam, quae illis inserviat, etsi Monasterio nullatenus oneri foret ad sui libitum eligere, sed contenti sint servitio personae, quae eis a Superiore locali praefato assignabitur a familia Monasterii ejusdem Superioris localis arbitrio, & sine publici servitii detrimento assumentur. Occasione visitationum simul cum aliis Religiosis intervenire debeant publicae receptioni Visitationum, ad fores Ecclesiae fieri solitae, necnon in Capitulo intimationi ejusmodi Visitationum, quibus etiam subjecti existant, huicque Ordinationi Visitatores secluso insistant, sua ad hoc, si opus fuerit, utendo auctoritate: onerata pro enarratorum Decretorum executione, & implemento ipsorum Abbatum Titularium, ac Superiorum Localium conscientia.

Causa eadem hujusmodi decreti, nempe abusus quidam Abbatum Titularium.

Decreta praedicti Capituli Generalis, ad praedictos abusus tollendos.